

天下郡國利病書卷二十一

崑山顧炎武寧夏成都龍萬育燮堂訂

松江府水利

已載蘇州府者不重見

宋宣和元年兩浙提舉常平趙霖浚松江自鶴匯又役

夫八萬三千七百有奇圍裏華亭泖為田二年八月罷

役

紹興四年鹽官丞王珏開華亭海河二百餘里通漕漑

田享其利

十五年通判曹泳重開顧會浦

乾道二年轉運副使姜詵開通波大港港即顧會浦置張涇

堰闡

卷二十一

江南九

七年知秀州邱密修華亭瀕海十八堰遂移新涇堰於

運港所謂運港大堰九年置監堰官於亭林按前志華亭東南

並海自柘湖涇塞置堰一十八所以禦鹹潮宋政和中

提舉常平官興修水利欲涸平林湖為田盡决隄堰以

洩湖水華亭地勢東西益高西北益卑大抵自三泖五

浦下注松江以入海雖决諸堰湖水不可洩鹹水竟入

為害於是東南四鄉為斥鹵之地民流徙他郡中間州

縣官懼其害復故堤堰獨由新涇塘以通鹽運海湖晨

夕衝突塘口至濶三十餘丈鹹水延漫蘇州境上隆興中言

者復請决諸堰以姜詵言而止是歲八月邑人石正言許克昌力言於



朝時密以大博除知秀州奉命行視與令睹觀議以新
涇塘湖勢湍急運港距新涇二十里水勢稍緩於是募
四縣大移堰於運港始九月二十六日終十一月二十
七日并築堰外諸港及運港兩岸東岸自堰至徐浦塘
二十四里十七丈西
岸自堰至拓湖二十三里上濶
六尺下濶一丈五尺高六尺明年正月遣御史蕭之
敬按視還奉詔增審秩復租九年以招復流民又明年
正月遣中使宣諭守臣張元臣增築二月特設監堰官
一員土軍五十人置司顧亭林以防監運私發諸堰浚
堰外隨潮沙漲牢不可壞二州之田得免鹹潮浸灌之
患

卷五十一

江南九

二

淳熙二年立庸田司於平江撩漉吳淞江沙泥浚各閘
舊河渠瀆及松江之張涇通波南北俞塘鹽鐵官紹盤
龍浦匯六磊石浦等塘

宏治初僉事伍性浚吳松江中段四十餘里及顧會浦
趙屯浦都臺浦並蒲匯塘楊林塘新涇塘又議鑿吳江
長橋兩岸之淤土以洩湖流工未畢工部主事姚文灝
代之

七年吳中大水命工部侍郎徐貫與主事祝莘會同巡
撫都御史何鑑委知蘇州府史簡開浚吳江長橋水竇
疏太湖之水以及吳淞江委松江府通判郝希賢浚吳

松江自帆歸口至分莊七十餘里以長洲吳江崑山常熟嘉定等縣人夫浚白茆港并斜堰七浦塘袤共二萬四千餘丈并東開鹽鐵塘十八里西浚尤涇七里

十三年松江通判原應宿浚崧子浦卽今崧塘

嘉靖元年工部卽中顏如環督同蘇州知府徐贊松江知府孔輔蘇州府同知冷宗元等自下界口開浚起至龍王廟舊江口止共長六千三百六十三丈二尺濶一十八丈深一丈二尺又督湖州府同知徐鸞開浚大錢小梅等港并芟湖七十二瀆以通太湖之上流蘇州府通判孔賢開浚趙屯大盈道謁等浦以通吳淞江之上

江南九

三

流

崇禎八年巡撫張國維督知府方岳貢華亭知縣張調鼎勘核漂闕埒塘長二百八十九丈內患口一百十九丈東西兩塘接連患口一百七丈有奇東盡塘五十三丈官給料價工食銀二萬餘兩石塘以成十二年岳貢復建石塘二百六十三丈有奇官給料價上食二萬七千六百餘兩

松江府志

田賦一

國朝賦額

松江財賦之鄉田下下而賦上上近者軍興不息而國計單虛非特小民枵腹攢眉卽上官催徵之時亦且含涕敲撲而不欲正視之矣此豈得已而不已哉余爲是獨詳賦額而先之以八故終之兩大害此賦之大綱旨也後之吏茲土者幸賜詳覽焉

查官民田糧重之故

太祖高皇帝受命之初收天下田稅每畝起科止三升五升有三合五合反輕於古昔井田之稅此之謂民田國初有因兵燹後遺下土田無主者有藉沒張士誠者有藉沒土豪虐民得罪者此之謂官田查得宏治十五

年松江府民田止七十三萬二十八畝官田有三百九十八萬五千六百畝則官田不更多於民田乎召民耕種輸租於官此租額非糧額也小民送納各倉遠涉江湖極其煩苦以致累年拖欠逃徙拋荒乃復輪賣官田於民間又將官田租額攤作民田糧額雖有上中下三鄉之別而總之賦極重不可反矣松郡糧重始於此查力差銀差聽差之故

太祖洪武元年定法每田一頃出丁夫一人三年置佃隸應天均工夫圖冊每歲農隙其夫赴京供役每歲率用三十日遣歸田多丁少者以佃人充夫其佃戶出米

一石資其費用非佃人而計畝出夫者其資費每田一畝出米二升五合他如府州縣雜差亦如之其後分力差銀差聽差三項係力差者計其代當工食之費量爲增減係銀差者計其扛解交納之費加以增耗又其後派銀雇役力差變爲銀差而聽差并罷之矣初宏治元年令各處編審均徭但於均徭人戶丁糧有力之家止編本等差役不許分外加增若貧難下戶逃亡絕戶聽其空間不許徵銀及額外濫設聽差等項違者聽撫按等官糾察問罪此力差銀差聽差之所自始

查絲縣折絹之故

卷三十一

江南九

五

我松遍栽花稻不種桑不養蠶而歲賦農桑絲縣折絹若干載在夏稅額中松民既有細布粗布之解京又有內號外號之織造則絲縣折絹一項似乎可以奏蠲也查得金時之田制凡民戶以多植桑棗爲勤少者必種其地十之三又少者必種其地十之一除故補新使之不缺元太宗丙申年始行絲科之法每二戶出絲一斤并隨路絲線顏色輸於官五戶出絲一斤并隨路絲線顏色輸於本位此金元之遺制而相沿猶未改也其有農桑絲縣折絹自此始

查馬草荳料之故

國初光祿寺犧牲所御馬監并象牛馬羊房等草料似於民間照田糧科歛解納官軍草料亦如之洪武二十五年以百姓供給艱難命北平等處衛所官軍不支草束自采野備用自後遂有秋青草事例宣德以來通命在京在外軍衛有司量派軍夫采行置場收納與民納草相兼支用而其因時制宜措備支給法亦不一其黃黑豆等料卽於稅糧內折徵不更載此馬草之徵名所自始

查一條編之故

往時夏稅秋糧及丁銀兵銀役銀貼役銀種種名色不

卷三十一

江南九

六

一或分時而徵或分額而徵上不勝其頭緒之煩碎下不勝其追呼之雜沓自嘉靖四十年侍郎龐公尙鵬按浙改作一條編法最稱簡便直捷但於平米止分本色米折色銀兩項里排徵之於納戶而縣官派之於各色孰是起運孰是存留孰是額設孰是加編孰是宜後孰是宜先孰是宜增宜減孰是朝廷曾赦而猶存如故孰是戶曹撫按增減而猶存如故其筭數在縣總那移亦在縣總而摘發則在精明之縣大夫是法行之七八十年矣此一條編之所自始

查加派從糧不從畝之故

隆慶二年巡撫林潤奏言江南諸郡久已均糧民已稱便惟松郡未均請乞暫設專官丈之吏部題原任本府專同知鄭元韶陞湖廣按察司僉事領勅專管丈田均牽斗則又得松江二縣上鄉筭平米一石准其田二畝七分三釐九毫中鄉平米一石准其田三畝一分二釐五毫下鄉平米一石准其田三畝六分三釐凡有不時錢糧加派俱照前周文襄所行則例無分上中下三鄉一概論糧加耗貧富適均官民兩便此一定不易之法也若從平米上每石加派則所派輕從田上每畝加派則所派重今遼餉亦宜準此俟遼事平後并原派除之

蓋糧額之輕重易見而田數之多寡難明耳此加派從糧不從畝之始

查錢糧瑣碎易眩之故

賦額如海見者望洋况米之數則曰升曰合曰勺曰抄曰撮曰圭曰粟曰穎曰粒銀之數則曰釐曰毫曰絲曰忽曰微曰纖曰沙曰塵曰埃此項按之無補於丘山而筭之甚昧於心目惛惛悶悶得毋爲驪之睡乎龍睡而盜者攫其珠去矣前輩云銀至釐而止米至合而止其下悉宜抹除之不然墮入奸人雲霧中可恨也此錢糧混淆之所自始

查清由之故

嘉靖三十七年奏准天下正賦戶給清由先開田畝糧石仍分本色金花折銀使百姓周知輸納其一時加派概不得混入亦不分官員舉監生員吏戶人等一例均派令給印信小票與民執照事畢停止此清由之所自始

田賦加減額數

洪武三年庚戌九月戶部奏賞軍用布其數甚多請令浙西四府秋糧內收布三十萬疋上曰松江乃產布之地止令一府輸納以便其民餘徵米如故

卷三十一

江南九

八

七年甲寅五月上以松蘇嘉湖四府租稅太重特令戶部計其數如畝稅七斗五升者除其半以甦民力十三年庚申三月上曰民猶樹也樹利土以生民利食以養養民而盡其利猶種樹而去土也比年蘇松各郡之民困於重租而官不知恤其賦之重者宜悉減之於是舊額田畝科七斗五升至四斗四升者減十之二四斗三升至三斗六升者俱止徵三斗五升以下仍舊自今年爲始通行改科

十七年甲子七月命蘇松嘉湖四府以黃金代輸今年田租

二十二年己巳夏四月朔命杭湖温臺蘇松郡民入
無田者許令往淮河迤南滁和等處就耕官給鈔戶三
十錠使備農具免其賦役三年

宣德五年庚戌二月二十一日勅減本府稅糧米麥
粟荳共計三十萬二千八百八十五石二斗四升二合
有奇

勅諭各處舊額官田起科不一租糧既重農民弗勝自
今年為始每田一畝舊額納糧自一斗至四斗者各減
十分之二自四斗二升至一石以上者各減十分之三
永為定制欽此

卷二十一

江南九

九

八年癸丑巡撫侍郎周忱奏定加耗折徵利洪武永
樂中稅糧額重積欠數多每正糧一石徵平米至二石
而猶不足忱至盡祛宿弊設法通融二年後逋欠悉免
至是定例

一 加耗 華亭縣有徵正糧每石徵平米一石七斗上
海縣有徵正糧每石徵平米一石九斗凡夏
稅麥豆絲綿戶口食鹽馬草義役軍需顏料迤絕積
荒田糧起運脚耗悉於此支撥其役視歲豐凶及會
計多寡或減或加率不出此數 名皆錄每石加六
斗至五斗止

一 折徵 金花銀一兩一錢准平米四石六斗或四石
四斗每兩加脚車輜圍銀八釐 濶白三梭
布一疋准平米二石五斗或二石四斗至三石每疋
加脚車輜錢米二斗或二斗六升 布疋長四丈濶
二尺五寸舊例重三斤納者率以紗粗驗退忱奏
不拘斤重止取長濶兩端織紅紗以防盜剪至今行

之 潤白綿布一疋准斗米一石或九斗八升每疋
加脚車舂穰米一斗或一斗二升俱照糧派於重則
官田俗名輕費 白熟梗米糯米每一石
准平米一石二斗照糧派於輕則民田

十年乙卯七月壬辰僭運糧儲總兵官及各處巡撫等
與廷臣會議軍民利益一松江府近因少米徵收黃豆
一萬石比運到京多有濕爛宜依時值改收棉布解京
正統四年己未奏准蘇松等府官民田地因水圳淤出
處有司丈量漲出者給附近小民承種照民田例起科
坍沒者悉與開豁稅糧

五年庚申五月命直隸松江府華亭上海二縣今年折
糧大三梭布五萬九千七百三十二疋免徵第徵中等

卷三十一

江南九

十

三梭布二萬疋每疋折米二石其餘折徵闊白棉布以
其民困灾故也

景泰七年丙子八月巡撫蘇松都御史陳泰奏均賦額
從之泰以前此免租之詔恩未得均有富室田多額輕
其重者多在貧下乃推廣調停之令以五升之田倍其
賦而官田之重止取正額於是澤始均而賦額不損上
下咸便富者亦不怨矣 大政記

天順元年丁丑四月戶部言八事內一款云蘇松等府
糧長納戶人等送納糙白等糧乞 勅內府供用庫等
衙門如例一尖一平收受及在外衙門一體遵守以恤

民艱

是歲巡撫右僉都御史李秉改定加耗例六斗以上田止徵正額五斗以上田每石加一斗五升四斗以上田每石加三斗三斗以上田每石加六斗二升以上田每石加八斗一斗以上田每石加一石五升五升以上田每石加一石一斗五升

按此法據丈而觀最為平均然聚數則之田於一戶由帖之中查筭填註不勝其煩而里書之飛走不復可稽質矣不久復舊蓋知其行之難也又按是時金花銀准米三石四斗三梭花布准米一石五斗棉布准米七斗五升輕於此而重於彼亦未見其利也
二年戊寅巡撫右副都御史崔恭復舊例

卷十一

江南九

十一

華亭縣正糧一石徵平米一石七斗或減至五斗

上海縣正糧一石徵平米一石九斗

金花銀一兩准平米三石四斗或三石八斗

濶白三梭布一疋准平米一石五斗或一石四斗至一石三斗

濶白棉布一疋准平米七斗五升或八斗至七斗

五年辛巳十二月停免直隸蘇州府松江府所屬今年被災田地秋糧七萬九千七百八十餘石馬草四萬一千四百八十餘包

六年壬午巡撫右副都御史劉存奉定召佃荒田例並

計兩縣積荒田四千七百餘頃召民開佃不論原額肥田畝稅米三斗瘠田二斗謂之官租仍與民約永不起科加耗

按是時秋糧加耗華亭每石始七斗至四斗五升上海每石始八斗五升至六斗金花銀一兩初准米三石八斗其後准四石至成化六年皆然又歲積餘米至二十萬此荒蕪開辟之效也

七年癸未六月命浙江布政使并直隸蘇松徽常四府以今年折銀秋糧三十二萬石收置青紅紵絲一萬疋從中官林寬請也

卷十一

江南九

十三

成化四年戊子巡撫都御史邢宥括得業蕩每畝徵平米三升舊例每征銀六十文

二十二年丙午松江知府樊瑩以松江賦重役煩自周文襄公後法在人亡弊蠹百出其大者運夫耗折稱貸積累權豪索債無虛歲而場書手侵盜害人虛文詭出核新補陳衆皆知之而未以處乃請奏革民夫則俾糧長轉運而寬其綱用以優之稅糧除常運本色外其餘應變易者盡徵收白銀見數支遣每銀一兩隨時估高下或准平米二石或二石五斗部運者既關係切身無敢浪費掌支之人出入有限無可蔽藏而白銀入官

親輸又率有寬剩民懼趨之於是積年之弊十去八九而田野之間無復睢窳叫吻之患考尋文襄立法初意舉其偏弊而通融之以爲經久之計如清水鄉竈丁草場以絕富人之兼并革收糧圍戶以潛消糧長之侵漁取布行人代糧輸布而聽其齎持私貨以贍不足皆有惠利及民而公議沛然以集巡撫使下其法於他府事俾悉遵之見大政記

華亭正糧一石加耗米三斗二升白銀一錢五分

上海縣正糧一石加耗米三斗三升白銀二錢

宏治八年乙卯巡撫右副都御史朱瑄始定分鄉論田

卷三

江南九

三

加耗例

華亭縣東鄉每畝加耗斗一升中鄉斗三升西鄉斗

五升後中鄉畝加斗四升西鄉加斗六升東鄉又分

沿海不沿海沿海畝加一斗不沿海加斗一升

上海縣東鄉畝加斗一升中鄉斗三升西鄉斗五升

後又分東鄉沿海畝加一斗不沿海加斗一升中鄉

畝加斗三升西鄉斗六升

金花銀自成化十四年至是每兩准平米二石六斗

十一年戊午巡撫右副都御史彭禮復論糧加耗加得

業蕩平米爲五升二合六勺

十五年壬戌都御史彭禮定墾官民田地山池塗蕩四萬七千一百六十九頃八十畝三分六釐三毫四絲

夏稅

大麥七千六百五十三石 斗六升小麥八萬

十三兩四錢三分三釐綿二千五百五十五兩四錢

分三

秋糧稅米六十三萬八千三百四十一石一斗六升

一萬七千八百八十八石一斗八升三合黃豆七萬

三千四百一十一石四斗五升二合斑豆七千九百

四十七石七斗二升菜豆二十七石三斗一

升一合赤谷七百一十五石一斗二升一合

卷十一

江南九

十四

又查戶部會計宏治年間賦額田土官民共四萬七千一百五十六頃六十一畝一分八釐比洪武元額減四

千一百六十六頃二十八畝一分一釐

是歲都御史彭禮知府劉琬改定加耗例官田加耗論

糧每石徵平米一石六斗民田論田加耗每畝徵耗米

一斗二升

十七年甲子同加史俊之奏定荒糧折銀例除坍江坍

湖抄出海塘積荒田糧係該縣包賠外其餘新逃拋荒

田土每糧一石折徵銀二錢

正德二年丁卯巡撫都御史艾瑛重定論田加耗

例

華亭縣東鄉每畝加七升中鄉加一斗西鄉加一斗
三升四年水災西鄉熟田畝加至三斗六升
上海縣東鄉每畝加七升中鄉加一斗一升西鄉加
一斗四升

六年辛未巡撫右僉都御史張鳳復論糧加耗並銀布

折徵舊例復舊規革弊便民案據華亭縣者民嚴泰

百餘萬宣德年間巡撫侍郎周文襄公因時處置為民

便益每秋糶一石加耗六斗七升金花銀一兩准平米

四石細布一疋准平米二石粗布一疋准平米一石起

運出稅官軍俸米師生廩祿不缺一鄉又分沿海不沿海

宏治年間始於田上加耗分作三鄉又分沿海不沿海

等第不一糧書乘機紊亂仍死以者眾存者少幸蒙

累連年災傷疫癘飢饉相仍死亡者眾存者少幸蒙

都堂大人撫臨整理糧法深為民便呈乞裁處等因到

卷三十一

江南九

五

院本院先為延訪民情以圖治安事據上海縣耆民朱
江則不可行有上中下三鄉有肥薄瘦三等有升斗斛
三科俱係先朝稱土起糧因地立法非後人所可改易
宣德中後巡撫周文襄公奏將東鄉拋荒田土召民開墾
三年之後止收原糧復奏折徵金花銀每兩准平米
四石粗細布一疋准平米一石二石於時起運不減今
日倉庫有存留之富而閭閻有賑濟之儲官不知勞民
十稱便其後樊公復念小民運糧之苦奏將用之耗米
白銀每兩准平米一石五斗給與糧長令其自運官民
兩便至今賴之當時並是糧上加耗每石不過六斗七
甚而已宏治七年本縣董知縣因與巡撫同鄉更變糧
法却于田上加耗雖分三等東鄉終日不平何也雨鄉
雖是糧重每畝收米或三石餘者有之不濱海下田不
輕每畝收花五六斤或一斗或一斗七升四合頻年以
過可種綿花五六斤或一斗或一斗七升四合頻年以
變或畝加八升九升或一斗或一斗七升四合頻年以
未率無定例且如正德四年何等災傷朝廷准荒六分
三釐官司不與主張聽從糧長賣派以致民心不服輸
納不齊糧長又復購官私收入已所以因循至今經欠

若當時照依欽准事例派與六分三釐小民安敢不與
家賣產依期完納老民正不知先年何故金花銀准米
四石布疋准米二石一石却乃錢糧反多近者金花銀
不過一石九斗白銀不過一石七斗何故錢糧反少若
因輕糧多在大戶重糧多在小民不知大戶亦有重額
之田未見其害也只是以王道待天下自然平正若存
大小戶輕重之心則前立法之意全無而物之不齊
之說亦徒然也田上加耗不可行也明矣據此案候在
案今據前因案看得松江一府大戶多輕則之田小戶
多重則之賦論田加耗若便小民然斗則數多書手作
弊難積於筭者亦被欺瞞况小民乎本院已將萬石一
覽通行發府議處正欲將金花銀每兩准米四石細布
一疋准米二石粗布一疋准米一石先儘下戶及賠販
之糧有餘并將白銀以次分與中戶又次及於下戶務
使貧富適均官民兩便今嚴泰等又稱糧上加耗與民
便益合准照糧徵派相應為此仰抄案回府著落當該
官吏即行各縣掌印官今後派徵錢糧俱照先年巡撫
周尙書所行則例不分東西中三鄉一概糧上加耗金
花銀布疋先儘重則官田每銀一兩折米四石粗布一
疋折米一石細布一疋折米二石白銀一兩隨時定價

卷十一

江南九

六

其上中高戶俱派與本色秬穉等米務使民心悅服而
錢糧不至於有弊國計充足而官府不至於有累仍翻
刻告示發鎮莊鄉村凡有
人烟去處張挂曉諭知悉

舊志顧文僖公云按田賦歲有增減蓋消長不齊理
之所有然正德五六年糧額無改而戶總及歲報
田數相去至三千一百二十七頃有奇殆不可曉至
於官田四升以下民田二升以下科則獨見府總而
民間亦未聞矣此類必有知者今並存之以備參考
張之象云正德五年本府論田加耗故輒減田土總
額令每畝派耗數多及官民依法徵納則所隱額田
例論耗米咸歸書筭賣與奸豪悉依是年東鄉每畝

加耗七升例計之亦該米二萬一千八百八十九石
至正德六年本府復論糧加耗故以田畝實悉報官
而別設法侵沒蓋事之易曉者也

嘉靖十六年丁酉太子太保禮部尙書顧鼎臣奏爲懇
瀆宸嚴明飭典憲以振軍國大計事該戶部題財賦舉
出於東南而蘇松常鎮等府視他郡爲尤重田糧定於
版籍而欺隱洒派等弊在今日爲尤多蓋官吏更代不
常而里書飛詭益甚致小民稅存而產去大戶有田而
無糧害及生民大虧國計奉 旨是便行撫按官著該
知府親詣州縣用心清查有虛應故事及延挨遲悞的

卷三十一

江南九

七

指實叅奏欽此

松江知府黃潤議以八事定稅糧一曰以原額稽其
始二曰以事故除其虛三曰以分項別其異四曰以
歸總正其實五曰以坐派起其運六曰以運餘撥其
存七曰以存餘考其積八曰以徵一定其則凡金花
白銀粗細布價一例均攤各衙門正耗白糧石春辦
米二斗省去頭緒只作本折兩項派徵

二十五年丙午總理糧儲工部尙書李充嗣言蘇松常
嘉湖五府正德年間以內府新添小人者五千三十一
名歲用食糧各府增派共二萬四千一百四十八石餘

解進供用庫及節年所派南京酒醋局等衙門復不下
數千通加耗共十三萬七千餘石歲比不登小民重困
乞勅該部查免戶部題復從之

嘉靖
實錄

隆慶二年戊辰巡撫右僉都御史林潤奏言江南諸郡
久已均糧民頗稱便惟松郡未均貧民受累勢不能勘
請乞暫設專官丈田均糧以重國賦以蘇民困吏部題
以原任本府同知轉員外郎鄭元韶陞湖廣按察司僉
事領勅專管華上二縣沿坵履畝逐一丈量均章斗則
三年己巳僉事鄭元韶盡數清丈悉去官民召佃之名
分作上中下三鄉定額田有字圩號數冊有魚鱗歸戶

卷三十一

江南九

六

至今田額以是爲準

自周文襄釐定賦額於稅糧之外設耗米以供綱運
及雜供諸費至鄭元韶均糧猶仿此意故萬歷二年
稅糧起運存留正數尙可攷也其後會計止分平米
本折而稅糧正耗雜派交亂莫辨非賦法之舊矣

萬歷十年壬午黃冊遵奉明例以清丈均攤科則實徵
田糧入冊舊項田糧并鈔等項開豁

十年九月辛卯東事告急於三縣田地每畝加編至三
十三年後遞減

四十六年壬午加編遼餉銀候遼平卽止是年戶部批

付又加編兵工二部又坐派天啓元年詔徵 遼餉銀一萬四千八百八十六兩九錢八分四十八年戶部札付又加三釐五毫兵工二部又坐派一釐天啓元年詔徵院通於內扣銀買米與漕舡帶解外實解部銀二萬四千二百五十二兩三錢三分

十年編審里役之名

經催一鄙之役該年

總甲

總催一區之役塘長

五年編審糧役之數

布解 北運 收兌 收銀 南運 風沆解戶

卷三十一

江南九

九

鳳陽麥折解戶 南京蜜糖解戶 南京惜薪司運柴

脚解戶 南京各部柴薪解戶 南京五城弓兵解戶

南京直堂解戶 南京國子監膳夫解戶 兩浙運

司船鹽解戶 織造府解戶 軍器庫子 斗級 水

鄉蕩價解戶 南解 二六輕賣解頭 鹽糧解頭

南京公侯解頭 徐州米折解頭 山東昌平等驛解

頭 鳳陽大店驛解頭 河間府瀛海驛解頭 徐州

滁陽驛解頭 南京農桑絲絹解頭

每縣轄保若干保領區若干區領鄙若干多寡不等每鄙分十年為十甲每甲編審經催一名或獨充或二戶

三戶朋充謂之里長亦謂排年輪甲分年專責催辦本
鄙入戶本折銀米假如於第一甲甲年分承充經催先
一年第十甲癸年分卽爲該年又先一年第九甲壬年
分爲總甲該年承應起夫浚河運汎棘刺等差使總甲
主管里中一應雜事當孔道去處承直官長水陸來往
其地內外坊廂鄙分地方干係祇應煩雜尤爲吃緊經
催輪年於八月中承納不拘鄙分多少白點丁力尤勝
者一人總一區催辦之事謂之領催總催如於第一甲
甲年分點充總催後四年第四甲丁年分卽爲塘長每
年遇有開河等役水利督率各圖該年勾當公務尤倍

其煩難

舊制每區設催辦糧長一名專管催徵本區銀米每年
秋赴南京關領勘合然後承役亦重典也舊謂之公務
糧長其在本區鄙催辦人戶則有零星寫遠之煩苦官
豪勢官則有上門守候刁蹬之煩苦民力旣已告困編
又或不均鄉官田多貽累日甚隆慶初年始立官甲書
冊每冊用知數人一名應完本折錢糧自赴比較與總
經催人役無涉該區鄙所存田畝各鄙應納銀米責在
經催一人其苦樂由本鄙人戶之完欠而入戶之完欠
又係該鄙田地之高下本年收成之豐歉更有經催善

良而人戶奸頑者則任意拖賴而累歸經催又有人戶
善良而經催奸巧者則私侵入已托名民欠錢糧不起
皆由二弊是役也自今年十月開徵至明年十月完限
如數盡足尚有匝歲奔走之勞而民欠難完往往墮悞
甚有四五年尚未清楚者沿鄉催辦則有跋涉之苦入
城北限則有盤纏之苦完不如數又有血杖之苦田地
拋荒又有拖欠之苦人戶逃亡有代賠之苦若遇水旱
凶年錢糧猶出舉一鄙之困苦獨萃於一人破身亡家
賣妻鬻子累月窮年未能脫累故百畝以下人戶充此
一役獨慮不堪若以零星數畝之戶朋充未有不立斃

者也

卷三

江南九

三

萬歷己酉華亭聶公紹昌經催議 松郡之役莫苦
於經催經催不過於一鄙十排年之中挨次輪辦而
一鄙之錢糧起總盡責其身十日一限一身在鄉催
辦一身到縣應比所以近之有分身催比之難有上
城下郭衙押保之難有代人賠贖之難遠之有幾年
徵欠之難有十年查盤納罪之難是以承此役者身
家多喪總之大患有二一在拖欠一在侵欺概於經
催爲侵欺逋於民間爲拖欠不問細民之完多完少
而惟經催之是責則良者空自爲良頑者樂得爲頑

所以敲撲愈多而負課愈甚殊不知經催時時輪役之人有何罪而代奸頑受此筆楚哉欲除拖欠惟在於明悉細戶而欲除頑戶侵欺其要在明摘欠戶今細戶之納與不納茫無查攷而徒寄出納完欠之分數於總書櫃書之手任其模糊出入種種奸弊卽有朮明莫能搜剔源頭總由實徵細冊上下茫然納者不知其納侵者難究其侵縣官之神日疲而侵賴之審日熾今本職議欲於各區各鄙立一實徵細戶田糧冊每區總催開立鄙總一冊一樣二本一本發總催收執一本存縣發櫃上收執此冊先開一區錢糧

總數次開各鄙錢糧總數卽就一鄙分爲十限每限總催於各鄙名下開其完欠完者開其實數若干寫如數二字欠者開其實數若干寫不如數三字又將人戶田數照依虎頭鼠穴列其多者於前少者於後以凭比較其點拘頑戶先拘其田糧最多者次及其田糧少者雖有先後決無幸免官甲團戶亦准此

塘長

每鄙歲輪該年一名率作人夫協力浚築有六七鄙爲一區者有十餘鄙爲一區者區有該年數名該年之內經充領區總催卽爲塘長專主督率各鄙人夫輪修本

區水利今議定爲役不出區之法則該鄙人戶各各自開其田邊河自築其田邊岸人人可以効力且人人樂於用力亦可使人戶就近赴工止出人力不輸銀米百弊俱絕又必照田量派如田百畝止可役十工至二十工止不得紊亂成法以耗盡民力但使每年農工畢舉行則區內工程自然次第相及低鄉無不築之岸高鄉無不浚之河水利修而農事興矣

塘長專督率各鄙人夫輪修本鄙水利但塘長之苦最苦在撥調遠區其開河動經數十里工費動及數十金塘長派之該年該年斂之人戶今歲不已而復明歲此河不已而復彼河有名無實勞費不貲若使差必出於正堂水衙不得私據役必出於本鄙別區不得遠調則圩岸自修而水旱無虞矣

崇禎己巳華亭鄭公友元塘長議 江南水利最關民命高則浚河低則築圩圩岸之工力甚省但督業主租戶各治其田而事畢矣惟開浚所費甚巨則泥頭利於包工頂名具呈駕言某河宜開一奉批行而該管書手爲政矣概縣塘長八十名受賄免差則應役者少役少而費益增此點差之弊也如百丈河十名役以九丈坐派一名以九名派分一丈一視賄之

多寡爲上下而愚者橫蒙重累此派段之弊也是外則泥頭恣意包攬不饜不已其或塘長貧不能給督率番民以應力作則催償之委官督押之衙役肆行索勒費且無筭總計上下書役皂快以至委官泥頭諸人多途掎客皆極其饜飫者而八十名塘長安能給之不得不分給各甲各甲細戶鬻田房鬻子女以應之猶以爲未足也究之一年一度擾費如此而開浚何曾有尺寸之效直爲此輩各生涯耳且塘長卽總催小塘卽各甲排年終年奔馳催辦不暇而勞費橫出較之應比更甚至或侵正項以奉若輩則股民

生適以蠹國課也縣司雖非專管觸目洞胸能不曲爲之計乎歷據里排呈議酌量可行之法大低令泥頭包工費給而工完始於水利實實有濟諺稱塘長爲小充軍蓋以興作必於冬時天寒凜冽而攜鋤荷担於百里數千里之外霜栖雪食以赴役其苦甚也人情於此縱嚴督力作必不能前徒虛費時日已耳如何委泥頭坐見其成之爲便也今議一邑河浦關切利賴者本府親勘總計幾處分爲五年次第浚築其致扎營求以掩庇塘長者一概禁絕仍計本年浚河若干丈應泥頭工費若干除塘長實應修築本區

外得若干名一照各區田若干名一照各區田若干畝應派開浚河段若干丈有旁近區分情愿赴工者聽其自完此外或愿納銀卽令水利官喚集泥頭遵每方一丈給銀三錢之例且總代工立冬塘長照畝出銀授之則泥頭不敢多索衙役不得勒詐書役不能上下其手而官無履野督率之煩民無費工疲敝之苦法孰有便於此者其棘茨一項本屬公署等處緊需其費無幾亦派定數區常川任之免其開浚每年給銀若干交看管人役代其釘載則需索可俱杜矣

卷三十一

江南九

三

總甲

每鄙歲輪總甲一名專職譏防之事爭鬪非常呈官究治盜賊竊發率衆扞禦而唯附郭者最稱煩苦

粗細布解戶上上役

洪武三年庚戌九月戶部奉賞軍用布其數甚多請命浙西四府秋糧內收布三十萬疋上曰松江乃產布之地止令一府輸納以便其民餘徵米如故

實錄

宏治十六年癸亥四月戶部奉旨文武大臣及科道官議上足國裕民十二事內一事曰戒捨克謂蘇松常等府歲解折糧布疋舊例送部看中送貯甲字庫備用

宏治六年該庫以布疋不登原樣揀出奸人恐嚇解戶揭債賄囑致費銀八九千兩近准奏今後該部看中送庫不必再檢而該庫析奏布不及三斤欲得自揀不知蘇松布精細而斤數不足北方布粗厚而斤數有餘自今蘇松等處解布至部揀中途庫不得再揀以便解戶借銀賄囑之弊奉 旨更議以聞實錄

萬歷庚戌華亭聶公紹昌布解議 華亭布解最爲煩苦一縣額供三線細布二千四百五十餘疋每疋布價銀七錢鋪墊扛解盤用銀一錢一分二線細布一萬三千四百五十餘疋每疋布價銀六錢鋪墊扛

解盤用銀一錢一分濶白線布四萬八千九百有餘疋每疋布解銀三錢四分鋪墊扛解盤用銀九分自領銀役牙貨房聽驗印解布袱油紙布索舟車關關掛號銷批到京門單抄稅內相庫官吏書司房保織庫夫長隨廚役見面後手擺飯茶菓土儀磕頭復求催夫交納等項每疋賠銀不止二三錢一經退回則重複解進每疋有賠至六錢者在本鄉先爲揀選驗印至京又且任意揀退百千浩費此真莫大之役如萬斤之担必當委之萬斤氣力之人而近年乃僉點中人之家又不給銀單寒下戶豈能賠買勢不得不

賣田粥產揭債買布挨到京師及其交卸獲批則已
吸骨及髓更無身家餘剩矣所以吳中一聞此役如
赴死地蒙徐撫臺奏請二線與粗布改價改折三線
布以本色赴袍解進而寢闕不行朝禁同惜今議
於五遞年中編定此役以第一殷實巨富田餘二千
畝家累巨萬金者承之必不容勢家營脫必不使中
戶濫充編審既定每年驗以大戶正身決無包攬先
給銀若干驗收布若干印貯庫中隨即發銀再買驗
收既足給文發行即時并鋪墊銀給之定限勒期解
京批回一面報本院知會戶部以防其中途濡滯之
弊庶幾肩此役者可望更生而布縷之征可以永永
給事矣

崇禎己巳郡侯方公岳貢布解議
布解之受累無窮而約畧言之其病有四
發價之太遲也扣銀之太重也衙蠹之縱橫而催比之太急也蓋此役須該縣大富者充之官視以爲大富也吏胥門皂無不耽耽視爲大富也曰夫夫畏官法而輕錢帛者欲以充公費而飽溪壑非若輩奚取焉於是有先買布後給銀之說而布價困於是有每十扣一扣五之例而布解困於是有頂匾府快檢通縣快見面錢有例催領

銀有利催買布有例催驗布催印布有例催踏布催
布出境有例迨押布出境而安身路費又有例節節
需索而布解之膏血盡矣其印布也鋪堂有例茶房
庫房有例書門皂快各有例不則殘踏及之布方出
境而催比之檄相續不絕每一票至非數金相酬難
禁其凌逼層層剝削而布解之皮骨盡矣今議將解
戶名下應納之糧餉盡數扣作布解餘則官給串單
單令解戶設櫃自收則遲發重扣之弊可除也官府
多一票則小民多一累况大富如布解尤羣小所視
爲魚肉者乎今議府縣催押之票一切已之但令解

戶自具限狀每口有布可印違限責之夫亦何辭至
於驗布踴布之票與押令出境之役則又萬萬可省
者每春季起程者限以八個月四月起程者限以十
個月五月起程者限以對年寬以時日而責其違限
夫又何辭票既省限既寬皂快斂手次而門內需索
尙有意料之外者曰印發之不速也侍從之太多也
惟是隨到隨印隨印隨發絕不留連而一印一門之
外非挑布守布者不許與布近違則重剋之明示以
官府護惜解役之意而赴院挂號上召親爲查問前
弊未懲嚴提重究或亦蘇息積苦之一端也

崇禎己巳華亭鄭公友元布解議舊例解戶四名領解梭布一萬六千一百八十五疋棉布四萬八千九百三十五疋除解扛外又有墊貼銀兩共銀三萬八百四十七兩零給役之費差亦贍舉然五年之內必竭數十人戶之力甚至破家而猶不得完者何也大戶出名則人皆利之自領銀以至銷批之日在外在京等吏書而上及於內官庫監無名之費不可勝紀若改以官價則奪其擅募外費永革而內費亦省其十之七八以內外所省盡歸之正費則官價無累然向來官價不能竟事者何故領買不得其人收解

不得其法差委不得其官也今在城機戶慣織官布原有其人查布分別二線三線有每疋定費三錢八分或四錢者各增二分則機戶不謂厲已也而任之矣機戶既定則分派里排令各買二十三十疋上納既算除白銀比簿之額且一二月之前以銀交機戶報數在官已免里排比責一二月之前仍嚴限機戶交布其有不如式者止責之機戶則里排無受勒受賠之累亦不謂厲已也而任之矣又何患領買之侵費乎里排納縣驗訖卽同扛解墊賠一並解府仍於扛解內每年量扣百金修本縣及糧廳座舡二隻以

供運載而解官監之直至河西務起岸登車亦卽於扛價內扣銀雇車入京凡車每輛若干亦有舊例定數可比者卽或水陸舟乘解官不能不藉書快之照管仍每名重給工食恤之而現成銀布官自監守與書快無與又何患收解之乾没乎解官向爲縣佐府幕所營蓋不待布之起程而費已不貲况衙役因之以騙剋其暗耗尤甚迨解官到京交納一以身家相殉而悔無及矣至今談者哀之頷者新奉功令以官布責成白糧總官帶解蘇常各府而以佐貳官押解隨卽遵行松江因屬民解未卽議更然年年縣奉總

部催解總部入京亦年年蒙部切責今果遵 旨委糧廳帮解其領買收解俱行縣料理計無編扛墊儘足潤解官之苦當不至力諉也又何患差委之營求乎夫差委與領價收買俱可無慮則官解行而民解可免卽舊役分任白糧等解則一邑之役盡輕矣豈徒爲布解一役而已耶乃鄉紳持論則謂官價美法也行之數年而不繼卽仍爲民累且曰審編必公道必殷實發銀必早必完必永如給串自收之新法爲布役計身家計長久無過此道矣縣司再進布役而詢之各役亦謂身係大戶往役固宜但得役之不竭

力不破家者卽屬萬幸今給串收銀法便役輕雖布解甚苦亦甘之矣先據糧解邱賢等條陳謂布役之苦衙門指詐弊竇無窮璫貂勒索溪壑難盈且不特此也買布而後領銀不免重揭於錢且買布印驗其布獲批而價未領足卽領亦必復請托賄求所領又不得實無怪乎民間視之如蹈湯火也旣蒙洞悉前弊布銀見給全給並衙門需索一應牌票雜費盡行禁革所省實多各行皆有起色矣佇望申詳將前項積弊嚴示禁約其自收新法勒石永垂卽是陰德初縣司蒞任之始查儘京邊金花完及五分卽派仁義

禮智信五號銀櫃令布役自收收完具領吏書不令經手民納之而民收之故放領營扣之弊徹底清釐此固法之甚便而可久者今將官解一議俟之後舉但嚴衙門需索雜費之禁仍永行自收之例則官布不爲民病矣

陳繼儒議 三線細布勢不容折濶白粗布濫惡稀踈北人最所厭棄若照原價二錢七分改折給散彼旣利於得銀銀又可以轉買商布比之二線旣堅且有餘利可落省出墊貼銀四千二百兩減去會計征額此一舉兩得者也惟細布卽發現銀粗布將銀改

折其不易之定論乎

北運白糧 上上役

每歲糧長領運上供白熟粳糯米及府部等衙門祿米實該正米若干石筭加歲用白耗米每石若干春辦米每石若干二項共該米若干石准糙米若干石華亭縣該糙米三萬六千三百石有奇上海縣該糙米二萬三千八百石有奇清油縣該糙米一萬三千九百石有奇此項該派該保區圖該役自收不煩收兌出入又領夫舡車脚銀兩每石該銀若干華亭縣該銀二萬四千六百兩有奇上海縣該銀一萬六千二百兩有奇青浦縣

卷十一

江南九

三

該銀九千五百兩有奇此項征收在櫃奉票支領是役也在家有收貯黍辦之苦在途有風波剝淺之苦到通州剝舡由閘車運到倉有虧損之苦支納有折耗舖墊歇家勒措盤纏守候之苦又途遇軍舡官舡捱擠不前隔年守候之苦須得家厚丁壯往來熟慣水路人戶充之議將熟區田千畝內外者編此五年之內華亭應編北運一百四十名上海應編北運九十名青浦應編北運五十名

成化以前解戶上白糧及各物料戶工二部委官同科道驗收解戶不與內臣等見面故軍校不得脅勒

內臣不得多取小民亦不至虧害成化以後部官避嫌糧科不肯驗收俱令小民運送內府而害不可勝言矣

糧長之害李康惠疏之最詳曰家有千金之產當一年卽有乞丐者矣家有壯丁十餘當一年卽有絕戶者矣民避糧役過於謫戍官府無如之何有每歲一換之例有數十家朋當之條始也破一家數歲則沿鄉無不破家者矣讀其言真堪流涕

萬歷庚戌華亭薛公紹昌北運議 東南之役最險最危而又有極重極大之費者莫甚於北運有三十

卷三十一

江南九

三

餘里之苦有洪閘淺之苦有經年隔歲之苦比之在鄉諸役更險更遠正米外又有私耗春糶每石約貼七斗車水脚等銀每石約貼八九錢其使用似覺充足而往往至於破家者何故蓋其在鄉則苦於漕軍之爭兌候米候銀之耽延舡戶水手之需索其在途則苦於漕舡之壓阻漕軍之嚇詐關津官店之索稅其到京則又苦於車輦之狼籍盜竊歇家之積奸朋詐內檔之朋肆攫取批回之守候淹滯守凍之貽費百倍而尤最

役

采緩發曰帮糧關運蓋糧餘自雇夫舡自備蓬櫓索

纜專待公家貼銀以爲用而往往以錢糧不敷至於
耽擱今本職先將北運糧長本戶糧米免其兌漕儘
數除作白糧外次將白糧正耗米與收兌漕米拈鬮
分派必不使總書作弊專派荒區荒鄙有苦樂不均
之患唯車水脚等銀常苦徵納不前或有遲悞不發
及旣解銀至部運衙門又不全給半留上鞘以待中
途徐給所以糧役延挨時日至三月四月乃始開帮
甚有五月而開者夫五月正當山水盡發泃河會通
宜乘大水過行之時而糧舡正在江淮以南逗遛不
進及達泃閘水已淺涸則安得而不遲延守凍者今

卷三

江南九

三

本職議請須定期規則務於十月卽闔派白糧應
收區鄙派定卽聽漕役及早春辦決不許漕糧借兌
而車脚水脚儘除本戶白銀外其餘銀兩自十二月
至正月卽盡數一頓與之必於十一月春辦十二月
下糧完足至正月卽擺帮二月卽一齊開帮則三月
抵淮四月入泃五月而過會通河六七月從會通而
直抵張灣刻期過發毋容遲限至於途中當遵歷年
具題欽定各舡頭立一大牌明諭以漕糧係三年之
芻糗白糧係上方之玉食並不許漕舡爭壓白糧之
前又不許漕舡以腐爛舡木故爲挨捺以滋詐害有

爭壓許害者衛官叅題漕軍重究又遵屢題免於途中留驗以妨嚴柱則糧舡可以如期而進而至於權關官店當念御用廩餼何乃困之以稅合請憲檄照會關稅衙門不得索稅分毫永無擾累其抵京則又有風力倉場部院痛革歇家之朋索內璫之多取批回之久稽而十月中各使竣役獲批以南則御用得以及期糧役可以補救亦東南一大利益也

收兌糧長 上等役

每歲閩府兌軍正耗米淮米衛倉米遼米行糧共該若干石除官甲書冊民甲圍戶本名田糧常年例應自圍

卷三十一

江南九

三

自兌外其各甲鄙民區民戶田畝推收不等大約收兌糧長一名約兌漕糧一千二三百石或千石是役也自本年十月至十二月有守候支納之苦每名約雇書等斛手搬運看守人夫數名並借貸倉廩置買蘆席木板食用諸費之苦自明年正月至三四月有守候支兌之苦又有旂軍勒捐貼等耗橫索使用之苦又有頑戶揀和糶谷水漿米多濕熱在倉蒸黑之苦又有舡錢担錢之苦又有旂軍踢斛泫尖之苦但收支不出本鄉比之北運不同今議官甲田九百畝編充一名圍戶慣役有三千畝者亦類編充五年之內華亭縣應編收兌糧長三

百名上海應編一百九十里青浦應編二十五名
宣德六年辛亥十一月行在戶部定官軍兌運名糧加
耗則例先是平江伯陳瑄言江南民運糧赴臨清等倉
若與官軍兌運加耗與之民免勞苦得以務農軍亦少
有贏利命侍郎王佐往淮安與瑄等再議以爲可行
上復命羣臣議至是會吏部尙書蹇義等議奏其法最
便軍民加耗之例請每石湖廣八斗江西浙江七斗南
直六斗北直五斗民有運至淮安兌與軍運者正加四
斗如有兌運不盡令民運赴原定官倉交納不納兌者
聽自運官軍補數不及仍於揚州衛所備倭官軍內摘

卷十一

江南九

三

撥其宣德六年以前軍告漂流運納不足者不爲常例
許將粟米黃豆小麥等抵於通州上倉軍兌民糧請限
本年終及次年正月完就出通關不許遷延妨務農業
其路遠衛所就於本都司填給勘合從之

萬歷庚戌華亭聶公紹昌收兌議 收兌之役不苦
於收之難苦於兌之難而其實兌之多費由於收之
不精蓋漕軍見米之不精也多勒贈耗以爲利糧役
亦因兌之多費也益插穢雜以售欺所以一番交兌
煩蝟費起有綱司會話有踢斛淋尖有綱圈後手使
用不可勝計風烈官員欲爲民少減贈耗卽環擁器

呼張拳犯上而莫誰何其旂軍則利歸旂甲不過
恣一時之浪費及至兌米入舡中途浥爛反累運官
揭債賠補回衛之日累小軍扣除月糧以抵京債此
不平之在軍者也其在糧長諸用不貲常至賣產粥
業盡蕩其家其在國用則軍糧之所交於京通諸倉
者皆濫惡不堪積久盡腐而其病又在於國矣然軍
之所以得爲民害者又皆由傍倉奸棍利漕軍大開
詐局漕軍利奸棍以爲腹心奸棍利漕軍以爲囊橐
互相勾引花街鬧市浪擲金錢擅及交兌漕軍地頭
之費已百孔千瘡專待多勒贈耗以償所用於是倉

棍輸情指點曰某某是糧役渠魁一賂此人卽爲多
耗多用之倡而兌軍之費始騷然煩重而不可以禁
止今幸撫按漕臺刻刻告示嚴行禁戢若納戶米旣
乾潔不得贈耗之外多勒升合違者一體責治悉遵
漕運議單每百止加潤溼米三石五斗或外再加三
石五斗而止又嚴申漕規止許一旂一軍到倉加兌
其綱司會話踢斛淋尖綱圈後手之類一切禁約通
完之日卽催償開幫前去如此則粟潔漕乾軍無腐
壞賠累之苦漕倉令嚴無講兌喧擾之虞
陳繼儒查收兌事宜收兌者糙糧也謂糧長收之於

倉而兌之於軍也通計松江府華上青三縣兌運米二十萬石三千石改兌米二萬九千九百五十石改兌糧運納通州倉每石正糧外加耗米三斗兌運糧亦運納通州倉或撥京或撥邊京糧由內河六閘盤剝然後到京爲止每石正糧外加耗米四斗邊糧又入泓舡剝至鞏華城密雲然後到邊爲此每石正糧外加耗米四斗以上二項此正耗也每臨兌時又於每百正耗糧米外加幾担名曰涇潤以補沿途蒸折之數此又耗外之耗也正耗若干淮撫派之外加濕潤若干府縣主之

一某衛所糧舡一隻僉點旂甲一名運軍九名運軍撐駕旂甲總管每一月口糧八斗每名共十二个月共九石六斗縣官給衛官衛官給各軍編入會計皆於彼處地方支領於華上青官無干如松江所官軍派運別處則於松江三縣支領行月二糧亦於彼處無干

一查得淮撫議單一欸每年漕糧俱限十月開倉十二月報完糧舡限三月終過淮四月終過洪近因漕政久廢萬歷四十年又立漕單開兌之期舡到水次大州縣限十日小州縣限五日兌完不兌完者責在

有司兌完之後卽依限過淮日期江南限二十日漕院坐京口催督運舡運官有能如期過淮者淮撫卽給荐票一張或獎票一張統候漕完如期獎荐如有司無糧軍衛無舡督糧司道及府州縣掌印管糧官并領運把總指揮千百戶各罰俸半年此題准事例也漕規雖嚴或以空舡未米或以過勒贈耗遂至耽延日久蹉運漕期運官無籍口處捏稱倉廩無米米色粗惡又捏稱有司故意抑軍毫不加耗觸怒各臺希脫已罪故某衛所空舡以某日到水次當報也某衛所舡到而衛所官未到當報也某舡某日兌完當

卷十一

江南九

三

報也某舡兌完開帮或未開完當報也如此十日一報則運官無所容其譖而府縣之賢勞者自當有荐而無罰矣

一濕潤之外又有所謂綱司話會此向來套名蓋收兌糧長與旂軍私相授受每米一石出銀二三分以充酒飯之費此府縣雖知而不問者也但有向傍倉積棍名曰倉老鼠慣在就中刁唆擻掇爲強軍之向导細作先期訪出此等積棍分調監候糧舡開完乃始釋放昔年毛司理掌印常行之矣在往年收兌稱中役僅費百金四五年來積及五六百金以致破家

者一年六十名收兌豈堪破六十家之產乎此無他
舊派太多每倉收米一千七百石故耳糧長承役修
倉磚瓦蘆蓆楞木有費自雇募斛手有費雇募倉書
有費工食有費使用有費自十月至五六月費已無
經而脚戶尙多挂欠收米如此其難也已而漕船既
到縣總倉棍暗通倉卒正耗之外嚇許多端明知踢
斛淋尖陰講綱司話會每百石米增十担外每一石
增銀一錢外稍不遂意凌虐糧長侵侮縣官不滿其
欲不已兌米又如此其難至於大保大區假借改折
之名倩人代杖延挨不肯納糧且待旂軍催比較兌

卷十一

江南九

四

通關之時於時有折銀減價使之不得不收者名曰
搶收有先賒糧若干方納糧若干使之不得不賒者
名曰賒串若不搶不賒且并其搶收賒串之銀米而
俱無之矣派額米缺一石糧長自賠一石缺百石糧
長自賠百石米價日踊賒價日多米不得賒而借債
粥產賣男粥女隨之矣雖欲不破家亡身得乎若使
本區收木區行區運法派額既不至隔區寫保頑戶
不致籍口荒區奸民又不至觀望搶收賒串此亦清
弊竇之一策也又聞之遣軍與淮上潛書構同揀擇
用賄派舡派江北淮泗之舡至江南四郡之內撫道

不得彈壓則氣必定咆哮往返二十餘里則官弁反
多違限何如常鎮蘇松自相更調以近附近視以遠
調近者果孰便孰不便耶此特在撫按漕倉一斟酌
間而收兌受福不淺矣

收銀總催 中等役

每歲編收銀總催重至四千兩起輕至一二百兩止獨
名或朋名以次分派字號在櫃收納金花有傾銷摘補
之苦收時有雇募書算食用盤纏之苦有比簿號串印
串之苦有衙門人役火耗常例之苦解放有折放等候
之苦每收銀一千兩往年費五十餘兩今漸至有用百

卷二十一

江南九

望

金者矣五年之內華亭應編收銀總催四百五十名上
海應編二百四十名青浦應編一百五十名

萬歷庚戌華亭聶公紹昌收銀議 今之收銀卽昔
之長收昔年長收之濫觴在管月買辦舉公家承應
上司餽送交際一切浩費盡責其人所以蕩析人家
百無一存者於是乃以大收改而爲小收大收二三
萬小收自一千至四千而止然查近年收銀者不過
一二百畝或三四百畝之家猶是中戶豈勝蝸費往
時相沿積弊如傾銷摘補解放虧折書算衙役種種
需索又有雇募櫃書餽寓盤用所以一千必費銀四

五十兩豈如中人所堪更有衙役攬納必減天平而積猾櫃書猶慣包攬磨洗官串詭登附收那東掩西莫可究詰卽攬此而包彼必移彼以飾前積踵朋奸動侵千百本職洞悉此弊已痛革附收且議嚴禁積年櫃書極身包攬務使櫃收皆正身的名亦不許占定櫃口聽糧長自令所親稱收登記竟用櫃中寫串弄數仍須彼人自擇具結報名於官以便查弊究治然收銀所最苦者尤在於收放不速動淹歲月今議請頒定收放之法必置京邊及各項上供緊要者於前而其餘次急者稍緩解放者以次開列不得任意

先後且十櫃多少均放苦樂邊調一班所收卽儘數放去收盡放絕總散相同然後及次班則無存櫃積侵之弊亦無久候盤用之苦又以櫃派鄙一定不移如概縣六百三十里舊收甲乙等十櫃每櫃派定六十三鄙使收納不得混淆收之旣齊放之亦速一班交一班一季交一季如金花銀例應傾銷摘補其完解原分四季亦照銀均派自無此盈彼絀之患又嚴革衙門騷擾亦須定砒馬不時查核以絕弊源則承此役者竣事速而不必以担延浪費補納均而不以畸重向隅收解一而不賄償滋累雜用免而不追呼

剝削廢幾中戶之家不代巨富之累所裨於國計
出入者亦不小也

崇禎乙巳華亭鄭公友元收銀議 收銀一役較運
解之費頗省如募書工食及發串紙張等項直以顧
民貼銀一項辦之足矣第鈔銀兌解則輕重有等最
者無過金花銀今每千額派三百兩前後適均至於
銀匠解官必當堂兌發期無苛刻其他散兌最稱便
宜亦以傾錠多少察派不拘縱總書上下其手自無
偏累之弊且揆定班數隨收隨放使之早竣歸省尤
稱省便且每年額銀二十五萬除逋欠及對支外正

卷二十一

江南九

星

編收催二十萬合五年計之則以百萬爲率盡大戶
而役之常難取盈今除北運布解約四五萬兩派櫃
自收計五年可收二十餘萬卽以之加輕於七十餘
萬之役則人人輕省是亦潛消役累之法也凡此苦
心調停永絕流弊似宜相守無更者

南運 中等役

每歲額運南京光祿寺及會同觀白米神樂觀糙米此
項縣派區鄙自行收貯不涉收兌又領盤用銀兩此項
征收在櫃奉票支領是役也脚力足用解米從容人不
甚苦之今議於布解一名相兼一名以輕補重每名編

田三百畝南運之役均矣五年之內華亭應編南運二十名上海應編十名青浦應編五名

里役

今制以里長老人主一里之事如宋之里正者長以糧長督一區賦稅以塘長修理田園修決河道其餘雜糧並於均徭點差

里長一萬四千三百五十人俱從黃冊編定歲輪一千四百三十五人爲見役其餘爲排年

老人一千四百三十五人選高年有行止者充

糧長二百九人選丁糧相應有行止者充

卷三

江南九

四

塘長二百九人

隆慶三年分立官甲以老人督催之

先是民間稱官戶有田在鄙上門守候刁蹬煩難頗爲里長之累至是分官民分二甲在民甲經催主之在官甲每戶知數人一名應完本折錢糧自赴比較仍以老人督催而老人一役各有頂首不復於區鄰點差矣